


Sel Prestuhn
Thomas S. Monson



“Luti Keik”

Ke Alu luhn Jisus Kraist luhn Mwet Luhlahlfongi ke Lwen-sahflah, kuht nuh kwewa mwet luti ac mwet lutlut. Nuh sin mwet nuh kwewa solsol se inge ma tuhkuh sin Leum: “Lutlut sik . . . ac kowos fah konauk mongla.”¹

Nga suli kowos kwewa Mwet Luhlahlfongi ke Lwen-sahflah in nuhnkuh ke kuh lalos in lotwelah ac in ngwet nuh sin Mwet Lahngo in pa Kolyuck lasr ke kuht orekma uh. Kuht etuh lah “mwet luti supweyukme sin God”² el sruhlunh ekihn yohk sie mwet luti. El suc luti kuht in luhngse na Leum God lasr ke insiyacsr kwewa uh, ke nguh-nasr kwewa, kuhiyacsr kwewa, ac nuhnak lasr kwewa, ac in luhngse mwet tuhlan lasr oacna kuht sifacna, in pa ma Mwet Luti ac Mwet Srihkasrak ke moul suwohswohs uh.

El pa suc tuh fahk muh: “Fahsruh fahsr tukuk.”³ “Nga oakiyac sie mwe srihkasrak nuh suwos.”⁴

Sahyacn Kowos In Eklac

Jesus El luti mwe luti na fihsrwacsr se arlacna loal ma sihmlac in puk lal Mattu. Tukun El ac mwet tuhma lutlut Lal oactui fin Eol in Eklac uh, elos tui fin acn Galilee ac na som nuh Capernaum. We pa mwet tuhma lutlut uh tuhkuh nuh yohrohl Jisus, siyuck:

“Su fulwat oemeet in Tokosrai lun kusrao uh?

“Na Jisus el pangonma tulik srihsrihk se ac sap elan tu ye mutahlos,

“Ac el fahk, ‘Pwayena nga fahk nu suwos, *kowos fin tia ekla* in oana tulik srihsrihk, kowos ac koflana in ilyak nu in Tokosrai lun kusrao.’”⁵

Ke Alu uh, finsrak kuh ke lutiyaen wosasuc uh tiac ma in nwacklah ahluhn sihfen tuhlihk nuhtin God uh ke ma uh, ke iwaclos, lohm lutlut, kuh in misin lalos uh. Tiac ma in fahkwack pihsen ma ninac pahpah, mwet luti, kuh misineri etuh uh. Tiac ma pac in ahkyohkye etwacack ke Mwet Lahngo ac Alu Lal.

Yohkiyaen ma tuhkuh ke luti uh pa in kahsruh wen ac acn nuhtin Pahpah Lucng in fohlohk nuh Yohrohl ac engankihn moul ma pahtpaht Yohrohl. In oruh ma se inge, luti luhn wosasuc uh in mwe ahkkweyaclos ke innek in moul in srihke pengana lwen ac olwelah muhtahl uh. Ke uh pa in mokle kuht in motko, puhla, ac na orekma kac ke moulkihnyaen mwe luti ke wosasuc uh. Finsrak uh pa in ahkkapye luhlahlfongi in Leum Jisus Kraist ac in ekuhl-lah *moul* an nuh ke wosasuc Lal uh.

Luti in ahkinsewowoye ac ekuhllah ac molwelah uh pa lutlut ma etahi srihkasrak luhn Mwet Lahngo uh. Mwet Luti ma etahi srihkasrak luhn Mwet Lahngo uh luhngse ac kuhlwasnsuhpuh mwet elos luti uh. Elos pihrihk mwet porongwaclos uh ke mwe luti ma pahtpaht luhn ma pwacye wolacna uh. Elos moulkihn moul na fal in ukweyuck.

Luhngse ac Kuhlwasnsuhpuh

Moul in kuhlwasnsap luhn Mwet Lahngo uh ahkkah-lwemye kwewa srihkasrak in luhngse mwet tuhlan. Ahok, luhngse ac kuhlwasnsap Lal kwacna pa mwe luti Lal uh. In oacna kain ohiyac inge, mwet luti ma nga esam ah pa mwet luti ma etuh, luhngse, ac ngalkihn tuhlihk lutlut lalos

uh. Elos suk sip tuhlaç uh. Elos luti mwe luti luhn moulu uh ma nga tiac kuh in muhluhnuhlah.

Sie sin kain mwet luti inge pa Lucy Gertsch. El etuh kais sie tuhlihk lutlut lal uh. El soenna wi muhluhnuhlah in pahngonwack elos suc ma tiac yorack ke Sacnri kuh suc ma tiac tuhkuh uh. Kuht etuh lah el arulacna ai kuht. Tiac sie sesr kuh in muhluhnuhllah kuh mwe luti el luti ac.

Yac pucspucs tohkoh, ke fototoyang Lucy elan misac ah, nga muhtwacta nuh yohrohl. Kuht esamwack yoh sac met liki na el ekihn mwet luti se lasr ah. Kuht sramsram ke kais sie mempucr ke kuhlahs lasr uh ac sramsramkihn ma kais sie oruh ingena. Luhngse ac karihngihn wowo ke lusen moulu lal.

Nga luhngse pohloh kaks se luhn Leum ma fwack in Doctrine and Covenants uh:

Nga usot nuh sum masap se ma kom ac enenuh in luti sie sin sie ke mwe luti luhn tohkohsrahi (liye D&C 88:77).

Insacnwacng in lutlut ac pahkotwen luhk fah wi kowos.⁶

Lucy Gertsch el insacnwacng in luti ke srihpen luhngse tiac tohtohlah lal.

Sang Finsrak ac Ma Pwacye

Mwet Sap Peter el fahk, “Akola pacl nukewa in topuk kutena mwet su siyuk ke finsrak se su oan in kowos.”⁷

Sahp finsrak se ma yohk emet ma mwet luti se kuh in kihte uh pa finsrak se ma loh ke ma pwacye ke wosasuc luhn Jisus Kraist uh.

“Ac meac se kowos ac finsrakkihn an?” Mormon el siyuck. “Liye nga fahk nuh suwos tuh ac fah oasr finsrak lowos ke iwacalah luhn Kraist ac ke kuh luhn sifilpac moul yak Lal, in moul yak nuh ke moulu ma pahtpaht, ac ma inge ke srihpen luhlalhfongi lom Kacl.”⁸

Mwet Luti, sruhwack puhsrewos ac fahkwack luhlalhfongi ke luhman God na pwacye. Fahkwack mwe loh lom ke Puk luhn Mormon. Fahkwack in kahlwem ke wolacna ac kahtoiyacn ma pwacye oasr in plwacn in molwelah uh. Orekmakihn kuhfwen mwe luti luhn Alu uh, yohkiyac na ma suhmuhslah an, in luti ma pwacye ke fohlohkyak ke wosasuc luhn Jisus Kraist ke nwacsnwacsiyac ac fihsrwacsrnacnaiyac. Esam pohloh kaks se luhn Mwet Lahngo uh ma fahk ke “lutlut ke Ma Simusla mweyen nuknuk mu kowos ku in konauk moulu ma pahtpat kac. Ac Ma Simusla inge fahkak pa keik!”⁹

Kahsruh tuhlihk nuhtin God in elakihn lah meac ma pwacye ac yohk srihpac ke moulu se inge. Kahsrewelos sramtwack kuh se in sulacalah innek ma e karuhnguhnuhlos ke fuhfahsryucsr nuh tok ma pahtpaht uh.

Luti ma pwacye, ac Nguhn Muhtahl fah ahtol orekma lowos an.

“Luti Keik”

Ke srihpen Jisus Kraist El ahkostwen in suwohswohs ac puhsisacul nuh sin Pahpah Tuhmwacul, El “kapkapac in lalmwetmet ac in lumahl, ac el arulacna ohi yurin God ac yurin mwet uh.”¹⁰ Kuh oasr mihsacalah lasr in oruh oacna? Oacna Jisus El ipeis pahkotwen nuh ke pahkotwen,¹¹ kuht enenuh in mongfihsrwacs ac sikalwenni na in suk kahlwem ac etwacack sin God ke kuhiyacsr in luti wosasuc uh.

Porongo el ip na yohk srihpac se ke lutlut uh. Ke ahkoe-yuck in luti uh, kuht insacnwacng in pruhe suk etwacack ac ma suwos luhn Nguhn Muhtahl. Kuht lihspre, kuht pruhe, kuht ipeis mwe luti luhn wosasuc, ac kuht suk luhngse luhn Pahpah nuh sesr.¹²

Jisus “El luti ma puspis . . . ke kas in pupulyuk,”¹³ suc ma enenuh insroac in lohng, muhta in liye ac insiyac in akihlen. Ke kuht moulu ahkwoyac uh, kuht e fihsrwacs in lihsprei Nguhn Muhtahl, suc ma kuh in “luti [kuht] ma nukewa, ac oru [kuht] in esamak ma nukewa ma nga fahk tari nu [sesr].”¹⁴

Ke kuht topuk solsol se luhn Leum ah muh, “Luti keik,” kuht ipeis ke kuh wolacna Lal. Lwelah kuht in, tuh ohinge, fahsr nuh met ke nguhnnguhn in ahkostwen, ukweyacyac Mwet Srihkasrak lasr uh luti oacna ke El sapkihn nuh sesr in luti ac lotwelah oacna ke El ke kuht in lutlut kac uh.

MWE KAHSRUH

1. Matthew 11:29.
2. John 3:2.
3. Luke 18:22.
4. 3 Nephi 18:16.
5. Matthew 18:1–3; ahkuhtweyacyac wo ituckyang.
6. Liye Doctrine and Covenants 88:77–78.
7. 1 Peter 3:15.
8. Moroni 7:41.
9. John 5:39.
10. Luke 2:52.
11. Liye Doctrine and Covenants 93:12.
12. Liye John 5:30.
13. Mark 4:2.
14. John 14:26.

LUTI KE PWENG SE INGE

Prestuhn Monson el suli kuht in “motko loal ke kuh [lasr] in luti ac elakihn ac in ngwet nuh sin Mwet Lahngo lasr in pa mwe kolyuck lasr ke kuht oruh uh.” Kom ac kuh in sahp motkoelah in suk ke ma suhmuhslah yurin elos suc kowos muhtwacta yohroh in suk ma loal ke innex ma Jisus Kraist El luti ac lotwelah ah. Kom kuh in ahkwot ke kuhtuh ma suhmuhslah ma Prestuhn Monson el tahfuh ah, kain fwack lun Matthew 11:29, John 5:30, ac Mark 4:2. Kom kuh in sruhmuhn lah fuhkah ma kom lotwelah kacl Kraist lah El kuh in kahsrwe kowos “in eklac wi ipeis ke kuh Lal lucng me.”

TUHLIHK SRIHSRIHK

Lutlut kacn Jisus

N guhn Muhtahl use puhlakihnyacn mihs lac in kahsrwe kuht in etuh lah Jisus El pwacye ac luhngse kuht. Suhmuhslah kuh sruhlwacalah sie ma kowos lotwelah kacl Jisus.

© 2016 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 6/15. Ahkkweyeyucklac ke lweng: 6/15. Lwenglah luhn *First Presidency Message, March 2016*. Kosraean. 12863 868



Sruhlweyucklac ke Luhman God

Luhlahlfongi, Sucu, Kahsruh

Pruhe in luhlutkihnh kuhfa inge ac suk in etuh ma in akacsruhi kac. In etwacalah ke "Sucu: Sie Mwe Fahkwack nuh fin Facluh" ac ahkyohkye fuhkah luhlahlfongi ke God ac e ahkinsewouoye fuhkah mwet suc kuht liyacacng ke forfor luti yohroh uh? Nuh ke kuhuh pac ma in etuh, som nuh ke relief society.lds.org.

"Ac God El fahk, Lwelah kuht in Aoruh luhman mwet in atacsr, na in oacna luhmahsr. . . .

"Ouinge God El orala mwet uh, ac oralosla oana lumahl. El oralosla mukul ac muhtwacn" (Genesis 1:26–27).

God pa Pahpah tuhmasr Inkuhsrao, ac El luhmwekuhtlac ke Luhmahl sifacna. Ke ma pwacye inge, Prestuhn Thomas S. Monson el fahk: "God Pahpah tuhmasr oasr insrwacl in porongo pruhe lasr uh. Oasr muhtahl suc ma in kuh in liye orekma lasr uh. Oasr oaluhl suc ma in sramsram nuh sesr. Oasr sie inisiyael ma in puhla pahkomuhta ac luhngse. El pwacye. El moul. Kuht tuhlihk nahtuhl oreklac ke luhmahl. Ngwetngwetasar oacna el ac el oacna kuht."¹

"Mwet Luhlahlfongi ke Lwensahflah liye mwet uh nuh kwewa sruhluhn ekihn tuhlihk nuhtin God ke kahlwem ac etwacack lalos kwewa uh; motkoeyac selos muh mwet nuh kwewa ma lucng me, ke kuh ac luhmweyacsr."² Kais sie sesr "tuhlihk mukul nguhn ac tuhlihk muhtwacn nguhn wolacna nuhtin pahpah ac ninac inkuhsrao."³

"[Tuh Mwet Pahluh] Joseph Smith el elakihn pac lah God El kena tuh tuhlihk Nahtuhl uh in wi ipeis ke wolacna ma pahtpaht suc oasr Yorohl uh."⁴ Oacna ke God El fahk uh, Tuh liye, pa inge orekma ac wolacna luhk—in ahkfahsrye moul kawihl ac moul ma pahtpaht luhn mwet uh (liye Moses 1:39).

Ma Suhmuhsrah Ituckyang Sahyac

Genesis 1:26–27; 1 Corinth 3:17; Doctrine and Covenants 130:1

Ke Ma Suhmuhsrah uh

Tamuhlwel lal Jared ke Puk luhn Mormon uh suk innec in tohlwack oak oalkosr okwaclos uh ma taf-lweyucklac in kohlohloslac in meoa uh nuh yen olwelah selos uh. El "ahkmuhlwesryelah yot se ac orac-lah yot srihsrihk singucul ohnkohsr" ac pruhe tuh God elan "kahlyac yot inge" ke pahol "ma inge tuh in kuh in tohlwack lohsr uh." Ac God "El kohllah pahol ac kahlyac yot uh sie sin sie." Mwe lihslrihsr sac sahrlah liki ye muhtuhn tamuhlwel lal Jared uh, ac "el liye kihfihn poun Leum; ac

ma inge oacna kihfihn poun sie mwet. . . .

"Ac Leum El fahk nuh sel: Yac kom luhlahlfongi kahs ma Nga ac fah sruhmuhn?

"Ac el topuk: Ahok, Leum."

Ac "Leum El ahkkahlwemyacl sifacna nuh sel [tamuhlwel lal Jared]" ac fahk, "Liye lah kom oreklac oacna luhmuhk sifacna? Ahok, finne mwet nuhkwea tuh oreklac ke muhtwacwacackiyac ah oacna luhmuhk sifacna." (Liye Ether 3:1–17.)

MWE KAHSRUH

1. Thomas S. Monson, "I Know That My Redeemer Lives," ke Conference Report, Eprel 1966, 63.
2. Sifac ke Wosasuc, "Becoming Like God," topics.lds.org; liye pac Moses 7:31–37.
3. "Sucu: Sie Mwe Fahkwack nuh fin Facluh," *Liahona*, Nohfuhmpuh 2010, 129.
4. Sifac Ke Wosasuc, "Becoming Like God," topics.lds.org; liye pac *Teachings of Presidents of the Church: Joseph Smith* (2007), 221.

Nuhkuh Ma Inge

Elakihn lah kais sie sesr sruhlweyucklac ke luhman God e kahswe kuht fuhkah ke sie sin sie lasr nuh sahyac uh?